





門口 12  
號 2908  
卷 15



禮書卷第六十

宋 陳祥道用之 編

明

張

溥西銘

閱

去五味均平藏

盛

順順伯

叅

圖書室印

桂樓貯藏

贊儀

書曰三帛二生一死贊大宗伯曰以禽作六贊以等  
諸臣孤執皮帛卿執羔大夫執鴈士執雉庶人執鷺  
工商執雞膳夫凡祭祀之致福者受而膳之以贊見  
者亦如之司約曰治贊之約行人曰蕃國各以其所  
貴寶爲贊士相見禮贊冬用雉夏用腒左頭奉之下

大夫相見以鴈飾之以布維之以索如執雉上大夫相見以羔飾之以布四維之結于面左頭如麝執之聘禮賓既將公事復見之以其贊禮記曰凡贊天子鬯諸侯圭卿羔大夫鴈士雉庶人之贊四童子委贊而退野外軍中無贊婦人之贊楫櫟脯修棗栗國語曰爲贊幣瑞節以鎮之春秋之時哀姜至莊公使宗婦覲用幣左傳曰男贊大者玉帛小者禽鳥以章物也女贊不過榛栗棗脩以告虔也孟子曰出疆必載質文曰庶人不傳質爲臣則不敢見諸侯荀卿稱周公曰吾所執贊而見者十人還贊而相見者三十人

禮云無辭不相接也無禮不相見也欲民之無相瀆也又云君子於其所尊不敢質也故貴至於邦君賤至於庶人以至婦人童子相見不依贊不足以爲禮贊而不稱德不足以爲義此玉帛禽鳥榛栗棗脩之用所以不一也儀禮士於士無辭贊有還贊大夫於士無還贊終辭贊君於其臣則受之於外臣則使僕還之大夫於常爲臣者亦然士贊授受於庭貴者授於堂大夫士於君壻於舅則奠摯士常臣於大夫亦奠摯左傳言委質爲臣荀卿言錯質之臣童子於所奠則委贊此禮之殺也周官膳夫祭祀致福

者受而膳之以贊見者亦如之則受之所以納其德也膳之所以用其德也然膳夫之所受膳者特禽鳥而已若玉帛則非膳夫之所受也聘禮賓見主君以圭璋不以贊訝者訝賓亦不以贊及賓卽館訝將公事乃見之以其贊賓旣將公事復見之以其贊

鬯

天子無客禮於天下而有贊禮於鬼神禮記凡贊天子鬯周禮鬯人凡王吊臨共介鬯則天子之鬯以介致之而已鄭氏引檀弓曰臨諸侯畛於鬼神

曰有天王其父此王適四方舍諸侯祖廟祝告其神之辭介於是進鬯其說是也然以此爲檀弓之文誤也天子宗廟之灌以圭瓚巡狩之灌以大璋中璋邊璋則贊鬯之器蓋圭璋也夫子之贊不特鬯耳其執鎮圭以朝日猶諸侯執圭璧以朝君皆贊瑞也

皮帛

虎皮

王之孤飾  
贊以虎

豹皮

公之孤飾  
贊以豹

狐

希冕

書之言贊有三帛周禮言贊亦三帛周禮之三帛則王與公之孤諸侯適子之未誓者書之三帛孔安國以爲諸侯世子執纁公之孤執玄附庸之君執黃其言雖無經見然天子巡狩卿大夫士皆以贊見於方岳之下附庸宜亦有贊矣孔氏之說蓋有所受之也鄭氏以爲高陽氏之後用赤繒高辛氏之後用黑繒其餘諸侯皆用白繒然二氏之與諸侯贊以五玉而已其謂用繒誤也大宗伯射人命曰凡諸侯之適子未誓則以皮帛繼子男公之孤四命以皮帛眡小國之君行人曰凡大國之孤執皮帛以繼小國之君然則古者制幣其長丈有玉人曰繼子男執皮帛

八尺其束十端其色或素或玄纁故婚禮納徵玄纁束帛聘禮釋幣與享大夫亦玄纁束帛是君束帛則素而已周禮三帛之色不可以考觀天子之卿大夫飾羔鴈以續諸侯之卿大夫飾羔鴈以布則天子之孤與公之孤其贊帛之色宜不同矣郊特牲曰虎豹之皮示服猛也鄭氏謂天子之孤飾贊以虎皮公之孤飾以豹皮理或然也士婚納禮徵奉帛於堂實皮於庭攝之內文兼執足左首隨入西上參分庭一在南賓致命釋外足見文主人受幣士受皮者自東出于後自左受遂坐攝皮逆退

適東壁聘禮致享亦奉玉帛於堂實皮於庭攝之毛在內賓致命張皮士受皮者自後右客賓出當之坐攝之公側授宰幣皮如入右首而東孤之贊禮蓋亦類此以皮不可以上堂故也

羔

曲禮曰飾羔鴈者以續士相見禮下大夫相見以鴈飾之以布維之以索如執雉上大夫相見以羔飾之以布四維之結于面左頭如麝執之先儒謂飾以續者天子之卿大夫也飾以布者諸侯之卿

鴈

大夫也諸侯之卿大夫以布則士以下無布矣昔魯侯會晉師于瓦范宣子執羔趙簡子中行文子皆執鴈魯於是始尚羔蓋魯禮之失至此乃復正也昌氏春秋言得伍員者位執珪漢之曹參始封執帛後遷執圭陳寔父子同時旌命羔鴈成群魏司空征南將軍與卿校同執羔明帝詔之以執璧則先王贊禮公歷漢魏其大畧尚存也然周禮三公一命袞其在朝則服鷩冕服鷩冕則執信圭及王服鷩冕以大射然後公降服毳冕而執璧魏以三公執璧爲常禮誤矣

卷第六十終

禮書卷第六十一

宋 陳祥道用之 編

明 張溥西銘 閱  
盛順順伯 參

士昏贊鴈

帛有衣被之仁皮有炳蔚之文故孤執之羔有跪乳之禮有群而不黨之義故卿執之進必以時行必以序鴈也故大夫執之交有時別有倫被文以相質死分而不變者雉也故士執之可畜而不散遷者鷺也故庶人執之可畜而不違時者鷄也故

工商執之士相見禮於雉左頭奉之於鴈飾之以布維之以索如執雉於羔飾之以布四維之結于面左頭如麋執之蓋執禽者必左首雉必左首而無飾維鴈有飾維而亦左首鴈之飾與羔同而維與羔異羔四維而結于面鄭氏謂繫聯四足交出背上於胸前結之是也士執雉而昏禮用鴈以贊不用死且攝盛故也觀其所乘者墨車所冠者爵弁女衣必縲紳領必頴黼腊必用鮮魚必用鮒則其攝盛可知鄭氏謂鴈順陰陽往來故昏禮用焉誤也詩曰雔雔鳴鴈旭日始旦士如歸妻迨冰未

泮亦謂用鴈士禮也賈公彥曰昏禮無問尊卑皆用鴈蓋附會鄭氏而爲之說歟

士雉

腒

士相見之禮冬用雉夏用腒雉不飾以布以士卑也不維以索以用死也用死與士死制同意用腒與夏行腒膳同意臣之於君奠贊而不授所以尊之也自敵以下授贊而不奠所以交之也婿之見舅用臣見君之禮鄭氏謂婿有子道不敢授也贊雉也蓋婿之親迎稱賓則贊以鴈三月然後稱婿

故贊以雉

鷩

童子贊

周禮庶人執鷩工商執雞禮記言庶人匹鄭氏曰匹當爲鷩然鷩之爲物有馴擾而無散遷其謂之匹可也內則曰舒鳬翠爾雅曰舒鳬鷩李巡曰鷩鷩也野曰鳬家曰鷩然則庶人執鷩非鳬也士相見禮庶人見於君不爲容進退走孟子曰庶人不傳質爲臣則庶人見君無贊矣鷩之爲贊特施於

下其君者也工商亦然昔闢黨童子將命孔子譏之以欲速成范匄謀晉軍天子責之以何知蓋童子之禮衣不裳屨不絢服不緦聽事不麻立則在北坐則在隅見先生則從之而不竝有事走而不趨及冠然後奠贊于君遂以贊見於鄉大夫鄉先生是未冠不預乎禮也然或賢與多聞不可不進以成人之事故又有童子之贊焉其制與成人同所以優其德其委與成人異所以卑其年

野外軍中贊

纓

曹書

卷六十一

三

拾矢

周官掌客在野在外殺禮曲禮曰野外軍中無贊以纓拾矢可也蓋君子之爲禮不以在野在軍而或廢亦不以物不足而求備故以纓拾矢各適其宜而已然不若備物之爲善故曰以纓拾矢可也

婦人贊

笄

昏禮婦見舅姑執笄棗栗自門入升自西階進拜奠于席舅坐撫之婦降階受笄服脩升拜奠于席

姑坐舉以授人蓋棗取其赤心棗栗堅實脯脩取其正治士昏禮不言楫櫛特牲少牢大夫士之祭亦棗栗而已特籩人有棗栗又有櫛實蓋具楫櫛棗栗者盛禮也魯莊公使宗婦覲用幣左氏曰男贊大者玉帛小者禽鳥以章物也女贊不過楫櫛棗栗以告虔也公羊曰宗婦曷用棗栗云乎服脩云乎蓋棗栗陽也故贊於舅脯脩陰也故贊於姑聘禮夫人使下大夫勞以二竹簋方其實棗蒸栗擇兼執之以進賓受栗大夫二手授栗主人案十有二寸棗栗十有二列諸侯純九大夫純五夫人

以勞諸侯然則婦人之用棗栗豈特爲贊而已哉

禮書卷第六十二

宋 陳祥道用之 編

明 張溥西銘 閱  
盛順順伯 參

大宗小宗

喪服小記別子爲祖繼別爲宗繼禰者爲小宗有五世而遷之宗宗其繼高祖者也是故祖遷於上宗易於下尊祖故敬宗敬宗所以尊祖禰也大傳曰別子爲祖繼別爲宗繼禰者爲小宗有百世不遷之宗有五世則遷之宗百世不遷者別子之後也宗其繼別

子之所自出者百世不遷者也宗其繼高祖者五世則遷者也有小宗而無大宗者有大宗而無小宗者有無宗亦莫之宗者公子是也公子有宗道公子之公爲其士大夫之庶者宗其士大夫之適者公子之宗道也曲禮曰支子不祭祭必告于宗子文王世子曰五廟之孫祖廟未毀雖爲庶人冠取妻必告死必赴練祥則告宣弔不弔宜免不免有司罰之至于賄聘承倉皆有正焉小記曰支子不祭明其宗也內則曰適子庶子祇事宗子宗婦雖貴富不敢以貴富入宗子之家雖衆車徒舍於外以寡約入子弟猶歸器

衣服袞衾車馬則必獻其上而后敢服用其次也若非所獻則不敢以入宗子之門不敢以貴富加於父兄宗族若富則具二牲獻其賢者於宗子夫婦皆齊而宗敬焉終事而后敢私祭曾子問孔子曰宗子雖七十無主婦非宗子雖無主婦可也曾子問曰宗子爲士庶子爲大夫其祭也如之何孔子曰以上牲祭於宗子之家祝曰孝子某爲介子某薦其常事若宗子有罪居于他國庶子爲大夫其祭也祝曰孝子某使介子某執其常事其辭于賓曰宗兄宗弟宗子在他國使其辭曾子問曰宗子去在他國庶子無爵而

居者可以祭乎。孔子曰：祭哉，請問其祭如之何？孔子曰：望墓而爲壇以時祭。若宗子告死於墓，而居祭於家。宗子死稱名，不言孝身沒而已。子游之徒有庶子祭者，以此若義也。今之祭者，不首其義，故誣於祭也。孔子曰：宗子爲殤而死，庶子弗爲後也。其吉祭特牲，祭殤不舉無脢俎，無玄酒，不吉利，成是謂陰厭。凡殤與無後者，祭於宗子之家當室之白尊于東房，是謂陽厭。昏禮記曰：女子許嫁稱字，祖廟未毀教于公宮，三月若祖廟已毀則于宗室。周禮大宰宗以族得民，大宗伯以飲食之禮親宗族兄弟，小宗伯掌三族之

別以辨親疏，其正室皆謂之門子。瞽矇掌諷誦詩世奠繫。謂帝繫諸侯卽大夫世本之屬。小史掌邦國之志，奠繫世辨昭穆，諸子掌國子之倅。公卿大夫士之副貳。儀禮喪服爲人後者爲其父母。報傳曰：何以期也？不貳斬也。特重於大宗者，降其小宗也。爲人後者孰後？後大宗宗也。曷爲後大宗尊之統也？禽獸知母而不知父。野人曰：父母何筭焉？都邑之士則知尊禰矣。大夫及學士則知尊祖矣。諸侯及其大祖，天子及其始祖，但之所自出尊者尊統上，卑者尊統下。大宗者尊之統也。大宗者收族者也不可以絕，故族人以支子後大宗也。適子不得後體書

大宗女子子爲昆弟之爲父後者何以亦期也婦人雖在外必有歸宗曰小宗故服期也丈夫婦人爲宗子宗子之母妻傳曰何以服齊衰三月也尊祖也尊祖故敬宗敬宗者尊祖之義也宗子之母在則不爲宗子之妻服也大夫爲宗子何以服齊衰三月也大夫不敢降其宗也諸侯之子稱公子公子不得禰先君公子之子稱公孫公孫不得祖諸侯此自卑別於尊者也若公之子孫有封爲國君者則世世祖是人也不祖公子此自尊別於卑者也是故始封之君不臣諸父昆弟封君之子不臣諸父而臣昆弟封君之

孫盡臣諸父昆弟詩曰宗子維城文曰大宗維翰百夫無長不散則亂一族無宗不離則疎先王因族以立宗敬宗以尊祖故吉凶有以相及有無得以相通尊卑有分而不亂親疎有別而不貳儀禮所謂不貳斬之類貴賤有繫而不間文王世子曰雖爲庶人冠取妻必告然後一宗如出乎一族一族如出乎一家一家如出乎一人此禮俗所以刑而人倫所以厚也蓋公子不得禰先君故爲別子而繼別者族人宗之爲大宗遠雖至於絕屬猶爲之服齊衰三月母妻亦然庶子不得祭祖故諸兄弟宗之爲小宗以其服服之

大宗遠祖之正體則一而已。小宗高祖之正體其  
別有四。則繼禰者兄弟宗之。繼祖者從兄弟宗之。  
繼曾祖者從祖兄弟宗之。繼高祖者族兄弟宗之。  
四世則親盡屬絕而不爲宗矣。然言繼別爲宗。又  
言繼別子之所自出者。言繼禰爲小宗。又言宗其  
繼高祖者。則繼別者別子之子也。繼別子之所自  
出者。卽別子也。繼禰者庶子之子也。繼高祖者五  
世之孫也。繼禰言其始。繼高祖言其終。繼別言其  
宗。繼別子之所自出。言其祖經言繼別子之所自  
出。而孔穎達言別子之所由出。然則別子所由出

卽國君也。其可宗乎。穀梁曰。燕周之分子也。分子  
卽別子也。然別子不特公子而已。有來自他邦而  
爲卿大夫者。亦謂之別子。有起於民庶而爲卿大  
夫者。亦謂之別子。

有小宗而無大宗

有大宗而無小宗

有無宗亦莫之宗

諸侯之公子。上不得宗君。下未爲後世之宗。必有  
以統之。故有三者之宗道也。君無適昆弟。使庶昆  
弟一人爲宗統公子。禮如小宗。故曰有小宗而無

大宗君有適昆弟使之爲宗以綱公子不復立庶昆弟爲宗故曰有大宗而無小宗公子一而已無公子可宗亦無公子宗之故曰有無宗亦莫之宗儀禮曰都邑之士則知尊禫學士大夫則知尊祖記曰公子之公爲其士大夫之庶者宗其大夫之嫡者荀卿曰大夫士有常宗左傳曰大夫有貳宗蓋由士以上莫不知尊祖禫知尊祖禫則尊者常宗當其爲宗則宗子綱族人於外主婦綱族婦於內死雖殤也必喪以成人齒雖七十也主婦不可闕居雖異邦也正祭不可舉妻死雖母在也禫不

可屈尊與出嫁者不敢降其服賢者不敢干其任貴者不敢擅其祭衆車徒不敢以其門凡以尊正統而一人之情也惟其疾與不肖然後易之故史朝言孟繫非人也將不列於宗賀循言奸回淫亂則告廟而立其次凡此特義之權耳非其所得已者也方周之盛時宗族之法行故常棣行葦之美作於上角弓頰弁之刺不聞於下以此治國而國有倫以此繫民而民不散則宗子之於天下豈小補哉及秦用商君之法富民有子則分居貧民有子則出贅由是其流及上雖王公大人亦莫知

有敬宗之道。浸淫後世。襲以爲俗。而時君所以統馭之者。特服紀之律而已。間有糾合宗族。一再傳而不散者。則人異之。以爲義門。此名生於不足歟。

辨嫡上

子服父三年。父以尊降服子。朞而長子三年。以其傳重也。庶服祖朞。祖以尊降服孫。大功而服適孫朞。亦以其傳重也。若適子在而適孫死。則祖亦服大功。以其有適子者無適孫也。適子不在而祖死。則適孫亦服三年。以其無適子者。適孫承其服也。然則古者父死立適子。適子死立適孫。上以後先

祖下。以收族人。謂之大宗。大宗不可以絕。故無子。則族人以支子後之。凡以尊正統而重適嗣也。春秋左氏傳曰。太子有母弟。則立之。無則立長。年鈞擇賢。義鈞則上。又曰。王后無嫡。則擇立長。年鈞以德。德鈞以上。以謂太子死而無後。則立嫡子之母弟。以其猶出於嫡室也。無母弟。則立庶長。以其不得已而立妾子之長也。立妾子之長。則無間於貴賤。公羊曰。立適以長。不以賢立子。以貴不以長。桓何以貴母貴也。何休曰。禮嫡夫人無子。立右媵子。右媵無子。立左媵子。左媵無子。立嫡姪娣子。嫡姪

娣無子立右媵姪娣子右媵姪娣無子立左媵姪  
娣子不識何據云然耶夫嫡室所以配君子奉祭  
祀者也媵與姪娣所以從嫡室廣繼嗣者也故內  
則以冢子母弟爲嫡子書以母弟與王父同其重  
則太子死而無後立太子之母弟可也均妾庶也  
而立其母之貴者可乎左氏曰非嫡嗣何必嫡之  
子又曰王不立愛公卿無私蓋言此也禮言爲後  
者四有正體而不傳重嫡子有罪疾是也有傳重  
而非正體庶孫爲後是也有體而不正庶子爲後  
是也有正而不體嫡孫爲後是也然傳至嫡孫嫡

孫無後則必立嫡孫之弟猶太子之母弟也禮謂  
族人以支子後之蓋自其無弟者言之也今令文  
諸王公侯伯子男皆子孫承嫡者傳襲若無嫡子  
及有罪疾立嫡孫無嫡孫以次立嫡子同母弟無  
母弟立庶子無庶子立嫡孫同母弟無母弟立庶  
孫曾孫以下准此若然是無嫡孫則舍嫡孫母弟  
而上取嫡子之兄弟無嫡曾孫則舍嫡曾孫母弟  
而上取嫡孫之兄弟嫡子之子宜立而不立嫡子  
之兄弟不宜立而立之是絕正統而厚旁支矣與  
禮大宗不可絕云不亦異乎

辨嫡下

木之正出爲本。旁出爲枝。子之正出爲嫡。旁出爲庶。故伐枝不足以傷木。伐其本則木斃矣。廢庶不足以傷宗。廢其嫡則宗絕矣。本固而枝必茂。嫡立而庶必寧。此天地自然之理也。先王知其然。於是貴嫡而賤庶。使名分正而不亂。爭奪息而不作。故子生則冢子接以太牢。庶子少牢。冢子未食而見庶子已食而見。冠則嫡子於阼階。庶子於房外。死則嫡子斬庶子期。其禮之重輕隆殺如此。豈有他哉。以其傳重與不傳重故也。禮曰庶子不祭祖。明

其宗也。又曰庶子不祭禰。明其宗也。史曰父不祭於支庶之宅。君不祭於臣僕之家。此嫡庶之分。不可不辨也。昔公儀仲子舍孫立子。而擅弓弔以免。司寇惠子舍嫡立庶。而子游弔以麻衰。皆重其服。以譏之。欲其辨嫡庶之分而已。春秋之時。宋宣公舍子與夷。立弟穆公。穆公又舍子馮立與夷。而與夷卒於見殺。莒紀公黜太子僕愛季佗。而卒於召禍。晉獻公殺世子申生。立奚齊。而卒以亂。晉齊靈公廢太子光。立公子牙。而卒以亂。齊益嫡一而已。立之足以尊正統。而一人之情。庶則衆矣。立之則

亂正統而啓覬覦之心。宋莒齊晉之君不察乎此。每每趨禍良可悼也。或曰易言大君有命開國承家禮言予以馭其幸則人君之於臣其所以立者無嫡庶之間耳。然考之於古魯武公以括與戲見宣王宣王立戲仲山甫曰天子立諸侯而建其少是教逆也。主卒立之其後魯人殺懿公而立括則魯之禍宣王爲之也。古之所謂開國承家者猶之別子爲祖也。爲祖而不爲宗則其所立者非爲傳襲其先也。果使之傳襲其先而不以嫡長則宣王已事之驗可不鑒哉。

姓族氏

詩曰振振公姓振振公族。書曰錫土姓國語曰司商協民姓。左氏稱衆仲曰天子建德因生以賜姓胙之土而命之氏。諸侯以字爲謚因以爲族。官有世功則有官族。邑亦如之。周語曰伯禹疏川導滯鍾水豐物皇天嘉之。祚以天下賜姓曰姒氏曰有夏堯賜禹姓曰姒封之於夏謂其能以嘉祉富生物也。祚四岳國命爲侯伯。賜姓曰姜氏曰有呂謂其能爲禹股肱心膂以養物豐民人也。姓非天子不可以賜而氏非諸侯不可以命姓所以繫百世之正統氏所

以別子孫之旁出族則氏之所聚而已然氏亦可以謂之姓故大傳言繫之以姓文言庶姓別於上則氏庶姓一也氏又可以謂之族故羽父爲無駭請族隱公命以爲展氏則氏族一也蓋別姓則爲氏卽氏則有族族無不同氏氏有不同族故八元八凱出於高陽氏高辛氏而謂之十六族是氏有不同族也商氏條氏徐氏之類謂之六族陶氏施氏之類謂之七族宋之華氏謂之戴族向氏謂之桓族是族無不同氏也古者或氏於國則齊魯秦吳氏於謚則文武成宣氏於官則司馬司徒氏於

爵則王孫公孫氏於字則孟孫叔孫氏於居則東門北郭氏於志則三島五鹿氏於事則巫乙匠陶而受姓命氏粲然衆矣秦興滅學而周官小史之職於是繫世昭穆失其本宗及漢司馬遷約世本修史記因周譜明世家乃知姓氏之所由出至晉賈弼有姓氏簿狀賈希鏡有姓氏要狀唐李素有肉譜柳冲有姓系錄而路敬韋述之徒傳述不一推叙昭穆使不相亂婚姻得之而有別親疎得之而有屬則姓氏之學其可忽哉國語曰教之世爲之昭明德而廢幽昏以休懼其動則姓氏又可以

示天下後世之勸戒也

禮書卷第六十二終

禮書卷第六十三

宋 陳祥道用之 編

明 張 淳西銘 閱

盛 順順伯 參

九族

書堯典曰克明俊德以親九族九族既睦平章百姓  
以睦高祖玄孫之親臯陶謨曰惇叙九族庶明勵翼仲虺之誥  
曰志自滿九族乃離詩葛藟刺平王也周室道衰棄  
其九族焉九族者據已上至高祖下及玄孫之親其詩曰終遠兄弟謂  
他人父終遠兄弟謂他人母終遠兄弟謂他人昆頴

弁諸公刺幽王也不能燕樂同姓親睦九族其詩曰  
豈伊異人兄弟匪他豈伊異人兄弟甥舅角弓父兄  
刺幽王也不親九族而好讒僥其詩曰兄弟昏姻無  
晉遠矣行葦忠厚也能內睦九族外尊事黃耆其詩  
曰戚戚兄弟莫遠具爾喪服小記曰親親以三爲五  
以五爲九上殺下殺旁殺而親畢矣已上親父下親子三也以父親  
祖以子親孫五也以祖親高祖以孫親玄孫九也

三族

周禮小宗伯掌三族之別以辨親疎其正室皆謂之  
門子掌其禁令三族父子孫人屬之正名小記曰親親以三爲五以五爲九

禮記

仲尼燕居曰閨門之內有禮故三族和三族父子孫也士昏  
禮請期曰惟是三族之不虞使其也請吉曰三族謂已昆弟子昆弟虞度也不億度謂卒有死喪此三族者已及子皆爲服期期服則踰年欲及今之吉也雜記曰大功之末可以冠子嫁子史記秦紀襄公二十年法初有三族之誅張晏曰父母兄弟妻子也如淳曰父族母族妻族也前漢張耳傳趙相貫高曰人情豈不各愛其父母妻子哉今吾三族皆以論死豈以王易吾親哉

宗族

周禮大宰宗以族得民宗繼別爲大宗收族者大宗伯以飲食之禮親宗族兄弟脹膾以親兄弟之國甸師王之同

姓有皋則死刑焉。文王世子曰：公族有死罪則磬於甸人。司士正朝儀之位。王族故士虎士在路門之右。王族故士故爲士嘗仕雖同族不得在王宮晚退留宿衛者未之嘉事大僕王眡燕朝則正位。燕朝朝於路寢之庭王圖宗人則燕朝巾車金路封同姓。文王世子庶子之正於公族者教之以孝悌睦友子愛明父子之義長幼之序其朝于公內朝則東面北上臣有貴者以齒其登餽獻受爵則以上嗣庶子治之雖有三命不踰父兄其公大事則以其喪服之精麤爲序雖於公族之喪亦如之以次主人若公與族燕則異姓爲賓膳宰爲主人公與父兄齒族食世降一等其在軍則守於公禰

公若有出疆之政庶子以公族之無事者守於公宮五廟之孫祖廟未毀雖爲庶人冠取妻必告死必赴練祥則告族之相爲也宜弔不弔宜免不免有司罰之至于賄聘承倉皆有正焉公族其有死罪則磬于甸人其刑罪則纖刺亦告于甸人公族無宮刑公與族燕則以齒而孝弟之道達矣其族食世降一等親親之殺而君臣之道著矣公族之罪雖親不以犯有司正術也所以體百姓也刑于隱者不與國人慮兄弟也弗弔弗爲服哭于異姓之廟爲忝祖遠之也素服居外不聽樂私喪之也骨肉之親無絕也公族無

宮刑不翦其類也。大傳上治祖禰尊尊也。下治子孫親親也。旁治昆弟合族以食序以昭穆別之以禮義人道竭矣。同姓從宗合族屬異姓主名治際會繫之以姓而弗別綴之以食而弗殊雖百世而婚姻不通者周道然也。親親故尊祖尊祖故敬宗敬宗故收族收族故宗廟嚴坊記君子因睦以合族。杕杜詩曰晉人刺其君不親九族。左傳曰庶人工商各有分親皆有等衰。文七年宋昭公欲去羣公子樂豫曰公族公室之枝葉也不可縱尋斧焉叔向曰公族將卑其宗族枝葉先落根本從而亡也。華亥欲代其兄合比爲右

師誚之於平公而逐之。左師曰汝夫也必亡汝喪而宗室於人何有人亦於汝何有既而華亥果亡。

書與詩序皆言九族。特周禮小宗伯儀禮士昏禮記仲尼燕居特言三族者三族父子孫也。九族高祖至玄孫也。三族舉其本。九族極其末。舉三族則九族見矣。白虎通夏侯歐陽何琦如淳之徒以父族四母族三妻族二爲九族。其說蓋以詩之葛藟刺平王不親九族而言謂他人父謂他人母頰弁刺幽王不親九族而言豈伊異人兄弟甥舅角弓亦刺不親九族而言兄弟婚姻無胥遠矣。則所謂

九族者非特內宗而已是惡知詩人之所主者因內宗而發哉彼謂父族四者父之姓爲一族父女昆弟適人者子爲二族已女昆弟適人者子爲三族已女適人者子爲四族母族三者母之父母爲一族母之昆弟爲二族母之女昆弟爲三族妻族二者妻之父爲一族妻之母爲二族然於母之父母則合而爲一族妻之父母則離而爲二可乎爾雅於內宗皆曰族於母妻曰黨而已文禮小功之末可以嫁娶妻之黨固無妨於嫁娶昏禮不容慮其不虞也然則九族之說當從孔安國鄭康成爲

正何則小記曰親親以三爲五以五爲九上殺下殺旁殺而親畢矣此九族隆殺之差也蓋已上親父下親子三也以父親祖以子親孫五也以祖親曾高以孫親曾玄九也然已之所親以一爲三祖孫所親以五爲七記不言者以父子一體而高玄與曾同服故不辨異之也服父三年服祖朞則曾祖宜大功高祖宜小功而皆齊衰三月者不敢以大小功旁親之服加乎至尊故重其衰麻尊尊也減其日月恩殺也此所謂上殺服適子三年庶子朞適孫朞庶孫大功適孫傳重者也有適子者無適孫則長子在皆爲庶孫也

則曾孫宜五月而與玄孫皆總麻三月者。曾孫服曾祖三月。曾祖報之亦三月。曾祖尊也。故加齊衰。曾孫卑也。故服總麻。此所謂下殺服祖朞。則世叔宜大功。以其與父一體。故加以朞。從世叔則疏矣。加所不及。故服小功。族世叔又疏矣。故服總麻。此發父而旁殺者也。祖之兄弟小功。曾祖兄弟總麻。高祖兄弟無服。此發祖而旁殺者也。同父至親朞。同祖爲從大功。同曾祖爲再從。小功。同高祖爲三從。總麻。此發兄弟而旁殺者也。父爲子朞。兄弟之子宜九月。不九月而朞者。以其猶子而進之也。從

兄弟之子小功。再從兄弟之子總麻。此發子而旁殺者也。祖爲孫大功。兄弟之孫小功。從兄弟之孫總麻。此發孫而旁殺者也。蓋服有加也。有報也。有降也。祖之齊衰。世叔從子之朞。皆加也。曾孫之三月。與兄弟之孫五月。皆報也。若夫降有四品。則非五服之正禮耳。

族燕之禮

周禮大宗伯以飲食之禮親宗族兄弟。禮記曰。若公與族燕。則異姓爲賓。膳宰爲主人。公與父兄齒。族食世降一等。又曰。公族無宮刑。公與族燕。則以齒而孝。

弟之道達矣。其族食世降一等。親親之殺而君臣之道著矣。大傳曰：旁治昆弟，合族以食序，以昭穆別飲酒之餫。（賓陳餫私也。不脫履升堂謂之餫。箋云私者圖非常之事。若議大疑於堂，則有餫禮焉。）兄弟既具，和樂且孺。妻子好合，如鼓瑟琴。（王與族宗婦內宗之屬亦從后於房中。）兄弟既翕，和樂且湛。（正義曰：餫私釋言文孫炎曰：餫私釋非公朝私餫酒也。周語有王公立餫。又曰：立成禮，烝而已。餫既爲私，不在公朝，在路門內也。酒肉所陳，不宜在庭，則在堂矣。燕禮云：皆脫屨乃升堂。少儀云：堂上無跣。燕則有之。是燕由坐而脫屨，明飲立則不脫矣。故云：不脫屨升堂。謂之餫。知餫禮爲圖非常議大疑者。以周語云：王公之有餫禮。將以講事成禮。建大德昭大物。講事昭物。是有所謀矣。明圖非常議大疑而爲飲禮也。周語曰：王公立餫。則有房烝。親親燕饗。

則有殼烝。又曰：餫以顯物。燕以合好。則餫燕禮異序曰：燕兄弟此陳餫者圖非常議大疑。乃有餫禮。則餫大於燕。天子燕宗族之禮云：所以知王與族人燕。則宗婦內宗從后者湛露曰：厭厭夜飲。不醉無歸。傳曰：夜飲私燕也。宗子將有事。族人皆侍。不醉而出。是不親也。醉而不出。是渫宗也。箋云：天子燕諸侯之禮云：此假宗子與族人燕爲說耳。然則天子燕同姓諸侯之禮猶宗子燕族人。則天子燕宗族兄弟爲朝廷臣者。如宗子於族人可知。案特牲饋食禮：祭未乃曰徹。庶羞設於西序下。注云：爲將餽去之庶羞。主爲尸。非神饋也。尚書傳曰：宗室有事。族人皆侍。終日大宗已侍於賓奠。然後燕私。燕私者何也？已而與族人飲也。此徹庶羞置西序下者。爲將以燕飲與。然則自尸祝至於兄弟之庶羞。宗子與族人燕飲於堂內。賓宗婦之庶羞。主婦以燕飲於房也。鄭以彼特牲是宗子之祭禮。族人及族婦皆助。故經云：宗婦執兩籩。宗婦贊豆。是宗婦及族人俱助宗子之祭。及祭未。族人旣爲宗子所燕。明宗婦亦主宗婦之燕可知也。湛露天子燕諸侯也。詩曰：湛湛露斯。在彼豐草。厭厭夜飲。在

宗載考

夜飲之禮。在宗室同姓諸侯則成之於庶姓其讓則止。正義書傳曰：既侍其宗然後得燕私者何？而與族人飲飲而不醉，是不親。醉而不出是不敬。與此傳同。

毛伏俱大儒，當各有所據而言也。

燕禮曰：宵則庶子執燭於阼階上。甸人執大燭於庭。闔人爲燭於門外。是兩階門庭皆有燭也。楚茨

詩曰：諸宰君婦廢徹不遲。諸父兄弟備言燕私。箋云畢歸賓客之祖同姓，則留與之燕，所以尊賓客親骨肉也。

樂具入奏以綏後祿爾

殺既將莫怨具慶。既醉既飽小大稽首神嗜飲食使君壽考。同姓之臣燕已醉飽皆再拜稽首曰神乃欲嗜君之飲食使君壽且考。此其慶辭。

君壽考

同姓之臣燕已醉飽皆再拜稽首曰神乃欲嗜君之飲食使君壽且考。此其慶辭。

先王之於同姓。有時燕焉有因祭而燕焉。國語曰時燕不淫。此時燕也。詩曰：諸宰君婦廢徹不遲。諸父兄弟備言燕私。坊記曰：因其酒肉聚其宗族以

教民睦此因祭而燕也。其禮之詳雖不可考要之服皮弁服卽於路寢。王皮弁以日視朝。詩刺不能弁。宰夫爲主異姓爲賓。王與族人燕於堂后帥內也。宗之屬燕於房。其物餚燕。所以合好也。其食世降一等。所以辨親疏也。昭穆以序之。所以明世次也。夜飲以成之所以別異姓也。若夫几席之位。升降之儀。脫履而坐。立監相禮。羞庶羞以盡愛。爵樂無筭以盡驩。其大率蓋與諸侯燕禮不異。諸侯燕族人與父兄齒雖王之尊蓋亦不以至尊廢至親也。特牲饋食禮祝吉利成徹庶羞設于西序下。鄭氏

引書傳曰宗室有事族人皆侍終日大宗已侍於賓奠然後燕私燕私者何也已與族人飲也此徹庶羞置西序下者爲將以燕飲與然則自戶祝至於兄弟之庶羞宗子以與族人燕飲於堂內賓宗婦之庶羞主婦以燕飲于房由是觀之燕族之禮不特天子諸侯而已

族飲之禮

周語定王謂晉隨會曰郊禘之事則有全烝王公立飲則有房烝禮之立成者爲飲親戚燕饗則有餚烝餚烝升體節解折之俎也謂之折俎今女非他也而叔父使士季實來唯是先

王之宴禮欲以貽女余一人敢設飲禘焉夫王公諸侯之有飲也將以講事成章章章也建大德昭大物也大德大功也大物大器也故立成禮烝而已立成不坐也烝升也升其滿物而已飲以顯物宴以合好顯物示物備也故歲飲不倦時宴不淫敬王十年萇弘欲城周衛彪蹊見單穆公曰萇弘其不沒乎周詩有之曰天之所支不可壞也周詩飲時所歌也支柱也其所壞亦不可支也昔武王克殷而作詩作此以爲飫歌名之曰支以遺後之人使永監焉夫禮之立成者爲飲昭明大節而已少典與焉其詩樂少章典威儀少皆類也是以为之日惕其欲教民戒也然則夫支之所道者必

盡知天地之爲也。不然不足以遺後之人。今墓劉欲  
支天之所壞。不亦難乎。魯語公父文伯之母祭悼子。  
康子與焉。胙不受。徹俎不宴。宗不具。不繹。繹不盡。飲  
則退。昭謂立日飲坐日宴言宗具則與繹繹畢而飲不盡飲禮而退恐有醉飽之失皆所以遠嫌也。  
公父文伯之母欲室文伯饗其宗老。請守龜卜室之  
族師亥聞之曰。善哉。男女之饗不及宗臣。宗室之謀  
不過宗人。

古者合族之禮。方其平居無事。則有燕以申好。及  
其有大疑謀。則有飲以圖事。燕則脫屨升堂坐而  
不立。其牲體折節而殺。烝所以致愛。飲不脫屨升

堂立而不坐。其牲體半解而房烝。所以致嚴。周語  
曰。王公之有飲禮。將以講事成章。建大德。昭大物。  
故立成禮。烝而已。又曰。歲飲不倦。然則飲以圖事  
非必歲爲之也。國語言歲飲時燕。蓋明其疏數之  
異而已。衛彪侯曰。武王克商。作詩以爲飲歌名之。  
曰。支以遺後之人。使永監焉。以其戒慎尤在於厭  
飲之時也。公父文伯之母祭悼子。康子與焉。繹不  
盡飲而退。則飲非若燕禮之多儀也。

元集

卷之二十三

一



